

Agencije PLIP-a objavile najnovije statističke podatke o implementaciji

Agencije PLIP-a (OHR, OSCE, UNHCR, UNMIBH i CRPC) objavile su danas da je sveukupna implementacija imovinskih zakona u Bosni i Hercegovini porasla, tako da je na dan 30. aprila, iznosila 49%, ili drugim riječima, od 255.000 zahtjeva podnesenih stambenim organima za povrat imovine, riješeno je 141.139 predmeta. Šesnaest mjeseci ranije, samo 21% predmeta rezultiralo je vraćanjem imovine. Ove zadnje brojke pokazuju da se širom BiH čine pomaci u ovoj oblasti.

Međutim, agencije PLIP-a žele skrenuti pažnju na činjenicu da razlog porasta stope implementacije od 5% u RS-u uglavnom leži u činjenici da je u RS-u manje podnesenih zahtjeva, što je rezultat stalnog isključivanja iz obrade zahtjeva koji se ulažu za devastiranu imovinu. S druge strane, usprkos stalnom rastu broja podnesenih zahtjeva, stopa implementacije u Federaciji porasla je za 3%, a u Distriktu Brčko za 4%.

OHR, OSCE, UNHCR, UNMIBH i CRPC žele naglasiti da stambeni uredi koji su nadležni za obradu zahtjeva za povrat imovine obavljaju dužnost od koje cijela država ima korist, i ozbiljno su zabrinute zbog stalnih izvještaja o prijetnjama upućenim stambenim organima. Posljednji primjeri ovakvog ponašanja odnose se na verbalno maltretiranje i prijetnje zabilježene u Zenici i Glamoču. Lokalni organi, lokalne policijske snage i društvo u cjelini moraju uraditi više kako bi se osigurala zaštita ovih organa te da se njihovom radu oda podrška i priznanje.